



**Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

C. Indulgentia Plen. Perp. Ecclesiis Monachorum Cœlestinorum in festo S.  
Petri Cœlestini V.

---

[urn:nbn:de:hbz:466:1-74708](#)

pore quandocumque spectabit in omnibus, & per omnia plenissime suffragari. Sieque in præmissis per quoscumque Judices Ordinarios, & delegatos, etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 3. Volumus autem, quod earundem præsentium literarum transumptis, seu exemplis, etiam impressis manu alicuius Notarii publici subscriptis, & sigillo persona in dignitate Ecclesiastica constitute munitis eadem ubique fides in iudicio, & extra illud adhibeat, quæ præsentibus adhiberetur, si forent exhibita, vel ostensa.

Datum Roma apud Sanctam Mariam Majorem sub Annulo Piscatoris die XXII. Aug. MDCLXXXI. Pontificatus nostri Anno Quinto.

## XCIX.

Conceduntur Fratribus Oblatis Tertiī Ordinis S. Francisci Provinciae Francie post decennium a Professione jura omnia antiquorum Fratrum Laicorum.

Oblatis in statu Laicorum constitutis concessum fuit suffragium in solis Professionibus a Clem. X. ed. 1672., Maij 12., Pont. 3. sed postea Const. ed. 1675. Maij 28. tributa fuerunt Oblatis jam admissis ante primam Constitutionem jura omnia Laicorum. Et ab hoc Pont. confirmata fuerunt eorum Constitut. Const. ed. 1688. Martii 13., Pont. 12.

Dat. 27. Aug.  
1681. An. 5.

## INNOCENTIUS PAPA XI.

*Ad futuram rei memoriam.*

Referuntur prædictæ binae literæ Clemen-  
tis X.

**E**xponi nobis nuper fecerunt dilecti filii Superiores Provinciae Francie Tertiī Ordinis Sancti Francisci; quod dudum fel. rec. Clem. PP. X. prædecessor noster per quasdam suas in simili forma Br̄vis anno 1672. emanatas literas pro bono Regimine Fratrum Oblatorum, seu servientium, & Fratrum Laicorum Congregationis Gallicanæ dicti Ordinis inter alia statuit, ut Fratres præfati, tam Oblati, quam alii, qui ad statum laicalem assumerentur, nullo unquam tempore suffragiorum jure gaudenter, nisi in receptione Novitiorum ad professionem ejusdem cum eis status; verum earundem literarum executio suspensa fuit per tres annos, quibus elapsis Superiores dictæ Provinciae Francie recursum ad eundem Clementem prædecessorem habuerunt, & ab eo alias pariter in forma Br̄vis die 28. Maij 1675. expeditas literas obtinuerunt, per quas omnibus Fratribus Oblatis, seu servientibus, qui in eadem Provincia habitum Religionis ante emanationem primodictarum literarum suscepserant, juribus Fratrum Laicorum juxta Ordinis prædicti Constitutiones gaudendi privilegium indultum fuit, dummodo tamen per decennium in statu Oblatorum hujusmodi permanenter, & alias prout in binis literis prædictis uberioris dicitur contineret. Cum autem sicut eadem expositio subjungebat, Superiores prædicti per hoc temporis spatium usque ad præsens maximam in dicta Provincia tranquillitatem, & pacem ex concessione præfati Indulti, illiusque observantia animadverterint, & hujusmodi praxim pro conservanda inter Fratres quiete obseruare peroptent: nobis propterea humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

§. 1. Nos igitur eorundem Superiorum votis, quantum cum Dño possumus favorabiliter anuere volentes, & eorum singulares personas a

quibusvis excommunicationis, suspensionis, & interdicti, aliisque Ecclesiasticis Sententis, Censuris, & penit. a jure, vel ab homine quavis occasione, vel causa latis, si quibus quomodolibet innotata existunt, ad effectum præsentium dumtaxat consequendum harum serie absolventes, & absolutas fore cententes, hujusmodi suppliciis inclinati, de Venerabilium Fratrum nostrorum S. R. E. Cardinalium Concilii Tridentini Interpretum consilio, ut omnes Fratres Oblati præfatae Provinciae Francie, tam de præsenti existentes, quam in posterum in eadem Provincia recipiendi, postquam tamen, completo novitatu anno, in suo oblitorum statu per decennium remanserint, juribus antiquorum Fratrum Laicorum Congregationis Gallicanæ, & Ordinis præfectorum gaudere possint, auctoritate Apostolica tenore præsentium statuimus, ac concedimus, & indulgemus.

§. 2. Decernentes easdem præsentes literas semper firmas, validas, & efficaces existere, & fore, suofque plenarios, & integros effectus sortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari, & ab eis respective inviolabiliter observari: Sieque in præmissis per quoscumque Judices Ordinarios, & delegatos, etiam causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus primodictis Clementis prædecessoris literis, aliisque Ordinationibus, & Constitutionibus Apostolicis, & quatenus opus sit Provinciae præfatae, & aliis quibusvis, etiam juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis.

§. 4. Quibus omnibus, & singulis, illorum tenores prædictibus pro plene, & sufficienter expressis, ac ad verbum insertis habentes, illis alias in suo labore permanens, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Roma apud S. Mariam Majorem sub Annulo Pisc. die XXVII. Aug. MDCLXXXII., Pontificatus nostri Anno Quinto.

Concessio  
dd. iurium  
oblatis facta;

Clausula.

Conceditur Indulgentia Plenaria perpetua videntibus aliquam ex Ecclesiis Monachorum Cœlestinorum die festo S. Petri Cœlestini Papæ V. eorum Institutoris.

## INNOCENTIUS PAPA XI.

*Ad perpetuam rei memoriam.*

Dat. 30. Aug.  
1681. An. 5.

Exordium.

Injunctorum Nobis divinitus Apostolica servitus ratio postulat, ut cœlestium munera Thesauros, dispensationi nostræ a Domino creditos, fideliter erogemus, cum id ad augendam in terris Sanctorum in Cœlis cum Christo regnantium Venerationem, excitandamque, & confondendam erga illos fidelium devotionem, ac ad animarum salutem speramus in Domino profuturum.

§. 1. Supplicationibus itaque dilecti filii Procuratoris Generalis Congregationis Monachorum Cœlestinorum nuncupatorum, Ordinis S. Benedicti, nomine, Nobis super hoc humiliter porrectis, inclinati, ac de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, ac singulis utriusque sexus Christifidelibus vere penitentibus, & confessis, ac Sacra Commu-

Preces Pro-  
curatoris Ge-  
neralis.

Concessio  
dictæ Indul-  
gentiæ.

nione refectis, qui aliquam ex Ecclesiis quorumcumque Monasteriorum dictæ Congregationis Cælestinorum, tam hactenus erectis, quam in posterum quandocumque erigendis, ac ubique locorum existentibus, die Festo S. Petri Cælestini ejusdem Congregationis Fundatoris, a primis Vesperis usque ad occasum solis diei hujusmodi, singulis annis devote visitaverint, & ibi, pro Christianorum Principum concordia, haerem exirpatione, ac S. Matris Ecclesiæ exaltatione, piis ad Deum preces effuderint; plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valitatis.

Clausula.

§. 2. Volumus autem, ut earundem præsentium literarum transumptis, seu exemplis etiam impressis manu alicuius Notarii publici subscriptis, & sigillo personæ in Ecclesiastica dignitate constituta munitis, eadem proflus fides ubique locorum habeatur, quæ haberetur ipsis præsentibus, si forent exhibita, vel ostensa.

Datum Romæ apud S. Mariam Majorem sub Annulo Pisc. die XXX. Aug. MDCLXXXI. Pontificatus nostri Anno Quinto.

C.I.

Conceduntur quædam Indulgentiæ Perpetuae Confraternitatibus Septem Dolorum B. M. V. in Ecclesiis Fratrum Servorum ejusdem B. M. V. erectis.

*Concessa fuit Indulgentia Plenaria Confraternitatibus Habitibus Servorum B. M. V. ab hoc Pontifice Conf. ed. 1678., Janu. 30., Pont. 1. Et Conf. ed. 1683., Octobris 24., Pont. 8. confirmatum fuit Summarium Indulgentiarum Confrater. Septem Dolorum.*

Dat. I. Sept.  
1681. An. 5

## INNOCENTIUS PAPA XI.

• Ad perpetuam rei memoriam.

Exordium.

Preces Prioris, & Procuratoris Generalis.

Indulgentia Plenaria die Dominica Passionis.

Indulgentia 100. dierum per annum.

Comissa Nobis a Domino dispensationis ratio exigit, ut calestium munera thesauro prudenti, fidelique liberalitate erogemus, cum id ad augendam fidelium Religionem, & animarum salutem speramus in Domino profuturum.

§. 1. Supplicationibus itaque dilectorum filiorum Prioris Generalis, & Procuratoris Generalis Ordinis Fratrum Servorum Mariae Virginis nomine Nobis super hoc humiliter porrectis inclinati, omnibus, & singulis Confratribus, & Consorribus Confraternitatum sub titulo Septem Dolorum ejusdem Beate Mariae Virginis, tam hactenus in Ecclesiis dicti Ordinis erectarum, quam deinceps quandocumque erigendarum, vere penitentibus, & confessis, ac sacra Communione refectis, qui suæ respective Confraternitatis Ecclesiam, seu Capellam, vel Oratorium Dominicæ Passionis a primis Vesperris usque ad occasum Solis ejusdem Dominicæ annis singulis devote visitaverint, ibique piis considerationes septem Dolorum Beatissimæ Virginis, & praecipue Passionis Domini Nostri Jesu Christi fecerint, ac pro Christianorum Principum concordia, haerem exirpatione, ac Sanctæ Matris Ecclesiæ exaltatione piis ad Deum preces effuderint, plenariam omnium peccatorum suorum Indulgentiam, & remissionem misericorditer concedimus.

§. 2. Eisdem vero Confratribus, & Consorribus per annum exercentibus se hujusmodi considerationibus, ac meditationibus, ac precibus præsertim, Oratione Dominicæ, & Salutatione Angelica cum Canto, Stabat Mater dolorosa &c. in Ecclesiis prædictis recitari, aliisque spiritualibus exercitiis ibidem fieri solitis, ac ut

præfertur, orantibus, quoties id egerint, toties centum dies de injunctis eis, aut alias quomodolibet per eos debitis penitentiis in forma Ecclesiæ consueta relaxamus.

§. 3. Præterea Confratribus, & Consorribus prædictis Ecclesiam, seu Capellam, vel Oratorium suæ respective Confraternitatis diebus Stationum Almae Urbis nostræ in Romano Missali descriptis devote pariter visitantibus, & orantibus, ut supra, quod omnes, & singulas Indulgentias, & peccatorum remissiones, ac penitentiariarum relaxations consequantur, quas consequerentur si Ecclesiæ, tam intra, quam extra eamdem Urbem positas ad id destinatas diebus Stationum hujusmodi personaliter, & devote visitassent.

§. 4. Utque iidem Confratres, & Consorores tam prædictas, quam alias quascumque Indulgentias, & peccatorum remissiones, & penitentiariarum relaxations dictis Confraternitatibus a Romanis Pontificibus Prædecessoribus nostris, ac etiam forsan a Nobis quomodolibet concessas Fidelium Defunctorum Animabus, quæ Deo in charitate conjuncte ab hac luce migraverint, per modum suffragii applicare possint, concedimus similius, & indulgemus. Præsentibus perpetuis futuris temporibus valitatis.

§. 5. Non obstante nostra, de non concedendas Indulgentias ad instar, aliiisque Constitutionibus, & Ordinationibus Apostolicis, ceterisque contrariis quibuscumque.

§. 6. Volumus autem, ut earundem præsentium literarum transumptis, seu exemplis etiam impressis manu alicuius Notarii publici subscriptis, & sigillo personæ in Ecclesiastica Dignitate constituta munitis, eadem proflus fides ubique locorum habeatur, quæ ipsis præsentibus habetur, si forent exhibita, vel ostensa.

Datum Romæ apud Sanctam Mariam Majorem sub Annulo Piscatoris die I. Septembribus MDCLXXXI., Pontificatus nostri Anno Quinto.

Confirmatur Decretum particularis Congregationis, quo declaratum fuit, Congregationem Brigitanorum Novissimorum esse veram Religionem diversam ab ea SS. Salvatoris, seu S. Brigittæ.

## INNOCENTIUS PAPA XI.

Ad futuram rei memoriam.

Emanavit nuper a Congregatione nonnullorum ex Venerabilibus Fratribus nostris S. R. E. Cardinalibus super negotio Fratrum Brigitanorum Novissimorum specialiter deputata Decretum tenoris, qui sequitur, videlicet: Congregatio particularis nonnullorum Eminentissimorum, & Reverendissimorum S. R. E. Cardinalium super negotio Brigitanorum Novissimorum specialiter deputata ex noviter deductis, & specie literis, & mature consideratis Constitutionibus Summorum Pontificum, censuit recessendum esse a Decreto alias die 5. Maii 1677. emanato ac propterea declaravit Congregationem Brigitanorum Novissimorum esse veram Religionem sub Regula Sancti Augustini a Sancta Sede Apostolica in Congregationem erectam, diversam tam a Religione Sanctissimi Salvatoris, seu Sanctæ Brigittæ ab Urbano VI., Martino V., Eugenio IV. erectam, & respective approbatam, & dictæ Religionis Novissimorum professos utriusque sexus esse, & reputari veros Religiosos. Romæ 2. Julii 1681. ~ G. Cardinalis Carpinius Archiepiscopus San. Secri.

§. 1. Cum autem sicut dilectus filius Guisle-

nus

Preces Prioris Generalis.

CII.

Dat. 24. Oct.  
1681. An. 5

Decretum prædictæ Congregationis.